

TSHIMANGADZO SAMUEL BENEDICT DASWA



*Moapastola wa Bophelo*

16 Phupjane 1946 – 02 Hlakola 1990

*Novena Prayer*



## SEDIKA SA TZANEEN

P. O. BOX 261  
TZANEEN 0850  
SOUTH AFRICA

TEL: (015) 307 5244  
FAX: (015) 307 3078

bendaswa@mweb.co.za

Mopapa Benedict XVI, ha a ngolla kereke e Afrika, o kgothaletsa hore ho be le bahalaledi ba bangata ba maAfrika: “ Ke kgothaletsa badisa ba dikereke tsa selehae ho elellwa, hara bahlanka ba lentswe la Modimo Afrika, ba ka hlwesetswang mokgahlelong wa bahalaledi ho ya ka melao ya kereke, e seng feela ho eketsa lenane la bahalaledi ba ma-Afrika, empa le ho fumana babuelli lehodimong ba tsamaisanang tsela le kereke e leetong mme ba buellang kontinente ya Afrika ho Morena Modimo”. “ Ke beha kereke ya Afrika ho bahalaledi ba ratehang ba tswang kontinenteng ena”. (AM No 114).

Ho tloha qalehong ya kereke, ha e sa le Afrika e hlohonolofaditswe ka bahalaledi ba bangata ba baholo, ba kenyeditseng bo Ntate ba Baholo ba kereke, Bahalaledi Augustinus, Cyril wa Alexandria le Cyprian. Ho bile hape le basadi ba halalelang ba baholo nakong eo, hara bona re ka qoola Monika ya halalelang, mma Augustinus ya halalelang, le bashwela-tumelo ba sebete, ba akgang Perpetua le Felicity ba halalelang. Haufinyane nakong ya jwale Afrika e file kereke bahalaledi le bashwela-tumelo ba hlahileng ka mahetla, ba kang Josephine Bakhita ya halalelang, ngwanana wa lekgoba ya tswang Sudan, le bashwela-tumelo baUganda, Charles Lwanga ya halalelang le balekane ba hae ba mashome a mabedi le metso e mmedi.

Ma-Khatholike a nka bahalaledi le bashwela-tumelo e le badimo ba bona ba kgethileng tumelong. Ba kamanong e phethileng le Morena Modimo mme ba ntse bana le kamano le ba ntseng ba phela le ho ba batlela tse lokileng. Kahoo re ka ba atamela ka tumelo e kgolo hore ba ise ditlhoko le mathata a rona ho Morena Modimo. Mehlala e matla ya bophelo ba bona ke mohlodi wa sebete le tshusumetso ho rona bophelong ba rona ba tsatsi le leng le le leng ba tumelo. Le rona re le barutuwa ba Kriste re lokela ho ba motlotlo ho abelana le ba bang ka tumelo ya rona mme re se ke ra tshaba ho e emela, le ho utlwa bohloko bakeng la yona kapa ho e shwela.

Ho bohlokwa ho kereke e khatholike ya Afrika ho arabela phepetso ya Mopapa hore ho be le bahalaledi ba bangata ba ma-Afrika. Sedikeng sa Tzaneen, Benedict Daswa o ile a fumanwa e le mohlala wa mo-Khatholike nakong ya bophelo ba hae, monna le ntate wa sebele, titjhere le mosuweloo ho ya phethang mosebetsi wa hae ka botshepehi, ya neng a nka karolo ka botlalo bophelong ba kereke le setjhabeng. E ne e le monna ya neng a tshaphala mme ya neng a na le lerato. Benedict o ne a ratelwa hob a paki e sebete tumelong mme a le kgahlanong le ditumela-kgwela tsa setso. Kamorao ho lefu la hae le sehloho maKhatholike a habo a ile a hopola bophelo ba hae ka ho etela lebitla la hae le ho rapela teng. Badumedi ba ile ba kgothaletsa ketapele ya kereke ho qala ka

dipatlisiso tsa bophelo le lefu la hae ho bona hore na a ka hlwesetswa mokgahlelong wa ho ba mohlaleledi le moshwela-tumelo.

Dipatlisiso tsa semolao tsa bophelo le lefu la mohlanka wa Modimo, Tshimangadzo Samuel Benedict Daswa, di ile tsa phetelwa maqalong a 2009. Di ile tsa amohelwa ke Sacred Congregation for the Causes of Saints in Rome ka Pudukwana 2010 di latetse mekgwa le meetlo. Kamohelo ena ho tswa Roma e bile kgothatso e matla Sedikeng sa Tzaneen, hobane e ne e bula tsela le ho dumella hore mosebetsi wa ho hlwesetsa Benedict Daswa mokgahlelong wa bahalaleledi le bashwela-tumelo, e seng baAfrika Borwa fela, empa ba kontinente ya Afrika, le ba lefatshe lohle.

Re kgothaletsa batho ho ithuta ho feta ka ha monna enwa ya halalelang mme ya sebete mme ba susumetswe ke mohlala wa hae wa ho emela tumelo. Ho Benedict, bophelo bo ne bo halalela mme bo hlomphelela le ho sireletswa kamehla. Jwaloka moapostola wa bophelo, o kgothaletsa tlhompho ya bophelo matsatsing a kajeno. Ka baka leo re kgothaletsa bohle hore ba rapelle hore a etswe ya lehlohonolo mme ka dithapello tsa hae Morena Modimo a arabele dikopo.

Novena ena e etsetswang Benedict Daswa, ke thapelo e matla e ka etswang ka bomong kapa ka sehlopha. Re tshepa hore haeba Novena ena e rapelwa ka tumelo ka Kriste le ka Moya o Halalelang wa hae, Morena Modimo o tla le hlohonolofatsa ka mahlohonolo a mangata ka dithapelo tsa Benedict Daswa. Re kopa hore mang kapa mang a fumanang dithuso ka yena a tsebise batho ba bang le rona.

Re lebisa diteboho tse tswang botebong ba dipelo tsa rona ho father Hermon Van Dijek MSC ya hlahisitseng thapelo ena ya Novena.

Bishop Joao Noe Rodrigues  
Diocese of Tzaneen  
Limpopo Province  
South Africa

Bishop Hugh Slattery msc  
Bishop-Emeritus, Tzaneen

# ABBREVIATIONS

- AM      *Africae Munus – Africa's Commitment*  
Post-Synodal Apostolic Exhortation – Pope Benedict XVI, 2011
- CCC     Catechism of the Catholic Church  
Promulgated by Pope John Paul II, 1992
- CIC     Codex Iuris Canonici – *Code of Canon Law*  
Promulgated by Pope John Paul II, 1983
- CL      Christifideles Laici – *On the Vocation & Mission of the Laity*  
Apostolic Exhortation – Pope John Paul II, 1988
- EV      Evangelium Vitae – *The Gospel of Life*  
Encyclical – Pope John Paul II, 1995
- FC      Familiaris Consortio – *The Family in the Modern World*  
Apostolic Exhortation – Pope John Paul II, 1981
- GS      Gaudium et Spes – *The Church in the Modern World*  
Pastoral Constitution – Vatican Council II, 1965
- LG      Lumen Gentium – *Light of the Nations*  
Dogmatic Constitution – Vatican Council II, 1964
- NMI     Novo Millennio Ineunte – *Entering the New Millennium*  
Apostolic Letter – Pope John Paul II, 2001

## NOVENA KE ENG?

Novena ke thapelo tse rapelwang ka matsatsi a robong a latelanang, ho kopuwa digrasia tse itseng kapa dithuso ho Morena Modimo. Hona ha e sale e le mokgwa wa thapelo e tummeng kerekeng. E latela mohlala wa matsatsi a robong ao baapostola le Maria ba ileng ba anka ba rapela mahareng a Nyolohelo le Sontaha sa Pentakonta ha ba ne ba lebelletse tsholohelo ya Moya o halalelang. (cf Diketso 1:14)

Ho etsa Novena ke ho phehella thapelong, ho kopa thuso e itseng ka matsatsi a robong a latelanang. Ke ho latela thuto ya Jesu Kriste ha a re re tsewelepele ho rapela mme re se ke ra lahla tshepo. Hona ke ho latela mantswe a Jesu ha are: “Kopang, mme le tla fuwa; batlang, mme le tla fumana; kokotang, mme le tla bulelwa. Mang kapa mang a kopang o a fuwa, ya batlang o a fumana, ya kokotang o a bulelwa” (Luka 11:9-10)



*Moapostola Bophelo Bohle*

# THAPELO

## Ya ho kopa hore mohlanka wa Modimo T.S Benedict Daswa e etswe ya lehlohonolo

(e lokelwa ho rapelwa qetellong ya thapelo ya novena ya tsatsi le leng le le leng)

*Botrinitase bo halalelang*

*Ke dumela hore o phela ka ho nna ka Hlatsuo. Ke a o rata.*

*Ke a o adora mme ke a o kgumamela.*

*Ke o leboha bakeng la Mohlanka wa hao Benedict,*

*Eo o mo kgethileng ho ba paki ya ha ho isa lefung ka Jesu Kriste,*

*Molopolli wa ka le Morena wa ka.*

*Ntate ya matla ohle, o ile wa tlatsa pelo ya mohlanka wa hao Benedict,*

*ka lerato le leholo le thahasello ya ho aha mmuso wa hao.*

*O mo file sebete le matla. Ho emela tumelo ya hae a se na tshabo,*

*le yona tshabo ya lefu.*

*Modimo ya ratehang, ntshireletse diketsong tsa lefifi.*

*Ntshireletse meyeng e mebe, le matleng a e mobe.*

*Nketse moapostola wa nnete wa bophelo ka lapeng la ka le setjhabeng.*

*Lesedi la hao, Oho morena, le nkgantshetse mme le kganye ka ho nna.*

*Morena Jesu, ka dithapelo tsa mohlanka wa hao,*

*Benedict Daswa ke kopa hore ke latele mohlala wa hae.*

*Wa hore kamehla a tshwarele ka moya wa seKriste.*

*O tseba mathata a ka ohle le metouto ya ka le ho tshoha ho hoholo hwa ka ha ke tobile bokamoso.*

*Ke nka matla le sebete bophelong ba Mohlanka wa hao.*

*Ke tla ho wena hona jwale Morena,*

*mme ka dithapelo tsa Benedict ke kopa thuso e latelang .... Ha eba ke thato ya hao.*

*Nthuse kamehla ho latela mohlala o motle wa Benedict.*

*Hore ka thapelo ya tsatsi le leng le le leng le ka ho ya kerekeng kamehla,*

*Nthuse ho rata Wena, Oho Morena, ho feta dintho tsohle,*

*Le ho rata batho ba bang jwaloka ha o nthata.*

*Amen*

# LETSATSI LA 1: O HLATSITWE HO KRISTE

Tshimagadzo Samuel Benedict Daswa, letsibolo la bana ba bahlano, o hlahile ka la 16 Phupu 1946, motseng wa Mbahe pela Thohoyandou. O ile a holela tumelong ya African traditional Religion. E ne e le wa leloko la Bakali ba morabe wa Lemba, ba ikukang e le ditloholo tsa Bajode. Bongata ba bona ba phela hara maVenda empa ba ntse ba fumanwa hara mapedi le ma-Tsonga profenseng ya Limpopo naheng ya Afrika Borwa. Tshimagadzo o ile a ithuta ka tsa tumelo ya kereke e Khatholike ha a le sekolong se sehlo a rutwa ke mojadi (Mokatikisi) wa hae father Benedict Risimati. Monna e nwa wa tumelo e tebileng o ile a ama bophelo ba Tshimagadzo haholo hoo abileng a nka lepetjo la Benedict ya halalelang “Rapela o sebetse” a le etsa la hae mme le ile la ama bophelo bohle ba hae ba sekriste. O ile a hlatsuwa ka la 21 Mmesa 1963 ke father Augustine O'Brien MSC mme a etsa kamohelo ya hae ya pele. Kamora kgwedi tse tharo a tiisetwa ke Rev Abbot/Bishop F.C Van Hoek OSB mobishopo wa sedika sa Pietersburg. Ha a qeta sekolo se sehlo Benedict o ile a ithutela botitjhere ba Primary.

## LENTSWE LA MODIMO

*“Ka kolobetso re epetswe le yena, ra ba le kabelo lefung la hae, e le hore jwaloka ha Kriste a tshile bafung ka matla a tlotlehang a Ntatae, ka mokgwa o jwalo le rona re tle re phele bophelo bo botjha. Ha re se re entswe ntho e le nngwe le Kriste ka lefu le tshwanang le la hae, re tla ba jwalo le ka tsoho e tshwanang le ya hae. (Baroma 6:4-5)*

## HO TEBISA TUMELO

*.....Jwaloka ha hlatsuo e le ho kena kgalalelong ya Modimo ka hoba le kabelo ho Kriste le ho phela ka moya wa hae, e ka ba twantshano ho amohela bophelo bo fokolang botlase. Ho botsa bakatukumena: “ Na le batla ho amohela hlatsuo?” ho tshwana le hob a botsa: “ Na le batla ho halalela?”..... phethehang jwaloka ha Ntata lona ya mahodimong a phethehile.” (Mt5:48) (NM 13).*

**BOINAHANO:** Hlatsuo eo ke e amohetsweng e boeleng ho nna?  
Na ka nnete ke batla ho halalela, jwalokaha Modimo a halalela?

**THAPELO:** *O nkatla makgulong a matala ka baka la lebitso la hae,  
Le ha nka tsamaya kgohlong e lefifi, nkeke ka tshoha bobo, hobane o na le nna, lere la hao le molamu wa hao  
Di a nkgothatsa, mme ke tla phela ka tlung ya Morena, ke phele teng ka mehla yohle (Psalm 23: 26-4.6)*

**Thapelo ya ho kopa hore Benedict Daswa a etswe ya lehlohonolo.**

## LETSATSI LA 2 MONNA WA MOSEBETSI

Ho tšhepahala lepetjiong la hae, “rapela o sebetse”, Benedict o ne a dumela hore mosebetsi o matla, wa nnete ke tšela ya ho tlotlisa Modimo le ho thusa batho setjhabeng. Jwaloka mosuwehloho wa sekolo sa primary sa Nweli, Benedict o ne a ikitlaeditse ka botlalo mosebetsing wa thuto. Ka tsatsi le leng titjhere e nngwe e ile ya leka hore e se ke ya etsa boitukisetso ba beke e latelang ba thuto ya ba e ya bankeng Sibasa ho ya ntsha tjelele ya mokgolo. Ha Benedict a ehllelwa hore ha ayo, a palama koloi ya hae mme a mo sala morao, a emisa taxi mme a mo kgutlisetsa sekolong ho ya qetella boitukisetso. Ha a bo qetile, Benedict a isa mosuwe eo bankeng.

Dikamanong tsa hae le barutwana ba hae, Benedict o ne a kgwannwa ka mehla ke lerato. O ne a ba kgothaletsa ho sebetša ka thata, ho ikemela le ho itshepa. Ba neng ba hloleha ho patala sekolofisi o ne a ba memela ho sebetša tšhimonng ya hae hore ba tsebe ho iphumanela sekolofisi. Ho ba lofang sekolo Benedict o ne a etela malapa a bo bona ho fumana hore na mabaka ke afe mme a bone hore na a ka se thusa. O ne a sebetša le bana ba hae ka tšhimonng ya hae ya meroho, ntho eo hangata matitjhere, mesuwehloho kapa batho ba rutehileng ba sa e etseng.

Benedict o ne a sebedisa tjelele ya hae hantle ka bohlae. Ebile yena wa pele motseng wa habo ho aha ntlo ya ditene ka tjelele ya neng a e bolokile ya mokgolo wa hae le eo a neng a fumana ka ho rekisa meroho le ditholwana tse tswang tšhimonng ya hae. Ka ho sebedisa tjelele hantle o ile a ithekela koloi, TV le telefounu, empa ka baka la mona le mohono, batho ba bang ba ile ba re o sebedisa dithokolosi.

### LENTSWE KA MODIMO

*Ho tla ba jwalokaha motho ya neng a etela naheng e hole a ile a bitsa bahlanka ba hae, a re ba sale le maruo a hae. A nea e mong tjelele e ditalenta di hlano, e mong e ditalenta tse pedi, e mong yena e lenngwe, e mong le emong ho ya ka matla a hae, a nto tsamaya. Hang-hang ya amohetseng ditalenta tse hlano a phakisa a hweba ka tsona, a etsa phaello ya tse hlano. Ka mokgwa o jwalo ya amohetseng tse pedi a etsa phaello ya tse pedi (Matheu 25:14-17)*

### HO TEBISA TUMELO

*Nazareta, ntlo ya “Mora wa mmetli wa mapolanka” ke mona moo re batlang ho utlwisisa le ho keteka molao o pholosang wa mosebetsi wa batho, moo re bontshang boholo ba mosebetsi, moo re hopolang hore mosebetsi ha se pheletso ka bo wona, empa ke bolokolohi le botlotlehi, mona ke moo re lakatsang ho amohela le ho tlotla basebetsi bohle lefatsheng mme re ba bontsha mosebetsi-mmoho le bona, ngwana bo bona Moprofeta e moholo, morena wa rona Jesu Kriste. (Pope Paul VI, address in Nazareth, 5 January 1964)*

**BOINAHANO:** Na ke etsa mosebetsi wa ka kamoo ke lokelang ka teng?  
Na ke hlajwa ke dihlolong ha ke etsa mosebetsi wa matsoho?

**THAPELO:** *Motho yena o ikela mosebetsing wa hae, a yo sebetša ho fihlela mantsiboya. Morena mesebetsi ya hao e mengata hakaakang! Tsohle o di entse ka bohlae, lefatšhe le tletse dibopuwa tsa hao!* (Pesalema 104: 23-24)

**Thapelo ya ho kopa hore Benedict Daswa a etswe ya lehlohonolo.**



# LETSATSI LA 3 MONNA WA SEBELE WA LELAPA

Ka 1980, Benedict o ile a nyala Shadi Eveline Monyai, o ne a kena Kereke ya Luther mme a amohelwa ka botlalo kerekeng e khatholike. Ba le ba ba le bana ba robedi, wa ho fela a hlaha ka mora kgwedi tse nne ho lefu la ntaae. Benedict o ne a dumela hore ho thusa mosadi wa hae ka mesebetsi ya lelapa le bana ba hae le tse ding tsa ditshwanelo tsa lenyalo. O ne a bolella batho hore “Le tshwanetse ho thusa basadi ba lona kamesebetsi ya lelapa,” mme o ne a ruta bana ba hae ho thusa ka lapeng. Mme o ne a ba kwetlisa ho sebetsa ka thata sekolong le ka serapeng sa hae sa ditholwana.

Lelapa la hae le ne le rapela hammoho ka phirimana. Nako ena ya thapelo, e neng e kenyeleditse palo ya lentswe le thapelo ya lelapa, e ne e le “kereke ya lehae” ya nnete. Jwaloka lelapa, kamehla ba ne ba ya ditshebeletsong tsa Sontaha. Benedict o ile a thea “Letsatsi la Daswa” nakong ya mokete wa keresemese. Moo lelapa le bang ka bona ba neng ba kopana mme ba neng ba fana ka dimpho tsa keresemese, ngwana e mong le e mong o ne a fuwa disebediswa tsa sekoto bakeng la selemo se tlang.

## Lentswe la Modimo

*Ka baka lena, monna o tla tlohela ntaae le mmae, a matahane le mosadi wa hae, mme ba babedi bao batla fetoha ntho e le nngwe. Polelo ena ke sephiri se seholo, mme nna ke re e lekanya Kriste le kereke, ha ho le jwalo, e mong le e mong wa lona a rate mosadi wa hae jwaloka ha ithata; mosadi le yena a hlomphe monna wa hae. Le lona bo-ntata bana le se ke la kgentsha bana ba lona, empa le ba hodisetse moreneng ka ho ba kgalemela le ho ba ruta hantle. (Baefese 5:31-32; 6:4)*

## HO TEBISA TUMELO

*Bomme, na le ruta bana ba lona dithapelo? Na le ba lokisetsa ho amohela disakramente tsa maipolelo, Kamohelo le Tiiso le sebedisana le baprista? Na le ba kgothaletsa hore, haeba ba kula, ba nahane ka mahloko ao Kriste a ileng a utlwa le ho kopa thuso ho Maria Moviriko le bahalaledi? Lona, bontate, na le rapela le bana ba lona, le ya mabatowewng (mablokong) ka nako e nngwe? Mohlala wa hao wa botshepehi ka mehopolole diketso, di kopane le thapelo, ke thuto ya bophelo. Ka tsela ena o tiisa kgotso lapeng la hao. (FC 60)*

**BOINAHANO:** Ke amana jwang le molekane wa ka, le bana ba ka?  
Na re rapela hammoho re le lelapa? Ha kae?

**THAPELO:** *Ho lehlohonolo bohle, bohle ba tshabang Morena, ba tsamayang ditse leng tsa hae. Mosadi wa hao o tla ba jwaloka morara, morara o behang ka tlung ya hao, bana ba hao ba be jwaloka mahlomela, mahlomela a mohloare, ho pota-pota tafole ya hao. E, motho ya tshabang Morena o hlonolofala jwalo. (Pesalema 128:1, 3-4)*

**Thapelo ya ho kopa hore Benedict Daswa a etswe ya  
LEHLOHONOLO.**

# LETSATSI LA 4 MONNA YA INEHETSENG SETJHABENG KA BOTLALO.

Benedict o ne a hlompfuwa haholo setjhabeng. E ne e le moetapele ka tlhaho le mo tshepuwa wa letona la morena ya ileng a mo kgetha ho ba mongodi wa lekgotla la hae. Kamehla o ne a tsamaiswa ke melao ya Sekriste, Benedict o ne a sa tshabe ho bua maikutlo a hae. O ne ahlompfuwa haholo ka baka la botshepehi ba hae hape ho bua nnete hwa hae le boikokobetso ba hae. Ka nako e nngwe, o ile a qoswa ka mashano a hore o sebedisitse ditjhelete tsa sekolo ho aha ntlo ya hae. Kamorao ho dipatlisiso tse ileng tsa etswa ke letona Benedict o ile a fumanwa a se molato.

Ka ha Benedict o ne a dumela haholo ho bopweng hwa batjha ka dipapadi, o ike a qala ka dihlopha tsa papadi ya bolo. O ne a batla hore ba dule ba sebeta mme ba itshwere hantle, le ho ba tlosa diterateng. Nakong ya komello e bileng teng Venda dilemong tsa bo mashome a robedi, Benedict o ile a sebedisa matsapa le bokgoni ba hae ho fumanela bana sekolong sa hae dijo.

## LENTSWE LA MODIMO

*Le letswai la lefatshe, empa ha letswai ka tapa, le ka tswaifatswa kang? Ha le se na thuso, haese hore le lahlelwe kantle, le hatakelwe ke batho. Le lesedi la lefatshe. Motse o hahilweng hodima thaba o sitwa ho pateha. Lebone le lona ha le ke be le hotetswe le kwahelwe ka nkgo, empa le bewa sedulwaneng sa lona, le kgantshetse bohle ba ka tlung. Lesedi la lona le ke le kganyetse batho jwalo, ba tle ba bone mesebetsi e metle ya lona, ba be ba tlolise ntata lona ya mahodimong.*  
(Matheu 5 : 13-16)

## HO TEBISA TUMELO

*Badumedi, hore ba tshwaetse lefatshe ka moya wa Sekriste wa ho sebeletsa batho le setjhaba, ba tshwanetse ho nka karolo "bophelong ba setjhaba" mafapheng a fapaneng, a moruo, a bosetjhaba, a molao, a puso, a reretsweng ho sebeletsa molemo wa bohle.*

**BOINAHANO:** ke etsang /jwang ho ntlafatsa moo ke phelang teng?  
Na ke nkela boikarabello ba ka ba bosetjhaba le ba dipolotiki hloohong?

**THAPELO:** *Athe wena o bona bomadimabe le mahlomola, o a di lemoha, mme o a di laola. Ya tsielehileng o tshepilewena, ke wena mothusi wa dikgutsana.*  
(Pesalema 10:14)

**Thapelo ya ho kopa hore Benedict Daswa a etswe ya  
Lehlohonolo.**

# LETSATSI LA 5 MONNA YA INEHETSENG KEREKENG KA BOTLALO.

Jwaloka mojadi/mokatekista wa boithaopi, Benedict Daswa o ile a thusa ho aha phutheho ya kereke, haholo ka ho lokisetsa bath oho amohela hlatsuo. E ne e le setho sa Lekgotla la Bodisa mme o na ba teng diphuthehong tsa lona ka mehla. O ne a tsamaisa Tshebeletso ya Sontaha ha moprista kapa mosebeletsi a le siyo mme o ne a itahletse ka setotswana bosebeletsing ba batjha, a kgothaketsa batjha ho phela bophelo bo lokileng bo beang ditholwana tse ntle le ho ikgantsha ka tumelo ya bona.

Benedict o ile a tshepisa mohatsae hore o tla qala ho aha ntlo ya bona ha kereke e ntjha ya Nweli e fedile. Morero ona wa ho aha kereke ya pele e Khatholike tikolohong ena o ne o le pelong ya hae hoo a neng a bile a thusa moprista ho tsamaisa dintho tsa ho aha ka koloi ya hae, o ne a sebeletsa haholo mme a kgothatsa ba bang ho etsa jwalo. Ha kereke e se e phethetswe o ile a phethisa tshepiso ya hae mme a qalella ho aha ntlo ya hae.

## LENTSWE LA MODIMO

*Ka mokgwa o jwalo, leha re le bangata, re mmele o le mong ho Kriste, e mong ke setho sa e mong. Jwale re na le dineo tse fapaneng, ho ya ka mohau oo re o neilweng. Ya neilweng ho profeta a profete ka ho ya ka tumelo; ya neilweng ho kgothsatsa, a kgothatse; ya fanang, a fane ka matsoho a mabedi; mme ya okametseng, a okamele ka mafolofolo; ye etsang mohau, a o etse ka thabo. (Baroma 12:5-8)*

## HOTEBISA TUMELO

*Ka tswalo ya rona ya bobedi ho Kriste bakriste bohle ba a lekana ka boleng ba bona le ho nka karolo ho aheng Mmele wa Kriste ho ya ka maemo le mosebetsi wa bona. (CCC 872, CIC, Can 208; Cf LG 32)*

**BOINAHANO:** Ke etsang kerekeng le ka hara kereke?  
Na ke nka karolo ho aheng kereke le ditshebeletsong tsa yona?

**THAPELO:** *Nke ke ka ka kena ka tlung ya ka, kapa ka paqama diphateng tsa ka; mahlo a ka a ke ke a fumana boroko, le dintshi tsa ka di ke ke tsa tutubala, ho fihlela ke fumanela Morena sebaka, ke fumanela Ya Matla Leaho, Ya Matla, Modimo wa Jakoboa.*  
(Pesalema 132:3-5)

**Thapelo ya ho kopa hore Benedict Daswa a etswe ya  
Lehlohonolo.**

# LETSATSI LA 6 MONNA WA BORAPEDI LE LERATO HO ISA QETELLONG.

Batho ba neng ba tseba Benedict hantle ba ile ba elellwa hore e ne e le motho ya rapelang ka mehla bophelong ba hae, lalapeng la hae, le kerekeng. O ne a na le dikamano tse tebileng le Kriste mme o ne a tataiswa le ho matlafatswa ke tumelo ya hae bophelong bohle ba hae. O ne a na le lerato le ikgethileng ho bakudi, ba fokolang le batshwaruwa mme o ne a rata ho ba tjhakela. O ne a fana ka dintho tsa hae mahala ho thusa bafumanehi le bahlokang motseng wa habo, esita le ho barutwana sekolong sa praemari sa Nweli.

Mantsibuyeng a la 2 Hlakola 1990, ha Benedict a ntse a sebetsa ka tshimong ya hae ya difate tsa ditholwana, molamo wa hae o ile a fihla ho yen aka potlako a mo kopa ho isa ngwana hae ya neng a kula haholo ngakeng Makwarela (Sibisa). Pele a stata koloi, a re ho yena, “ha re rapele pele.” Ha a kgutlela morao Mbahe, a palamisa monna e mong ya dulang motseng. Monna enwa o ne a jere mokotla wa phofo ya poone mme ho ne ho se na dikoloi ka baka la mohwanto wa boitseko o neng o le teng.

## LENTSWE LA MODIMO

*Hobane ke ne ke lapile, la mpha dijo; ke nyorilwe, la mpha ho nwa; ke le moeti, la nkamohela; ke hlobotse, la nkapesa; ke kula, la ntlhwela; ke le tjhankaneng, la ntjhakela. Ke moo ba lokileng bat la mo araba, ba re “Morena, ke neng re ileng ra o bona o lapile, yaba re a o fepa; kapa o hlobotse, ra o apesa? Ke neng re ileng ra o bona o kula kappa o le tjhankaneng, ra o tjhakela?” Kgosi e tla ba araba, e re: “Rurik e a le bolella, seo le se etseditseng e mong wa bao ba banyenyane ho bana beso, le se etseditse nna,” (Matteu 25:35-40)*

## HO TEBISA TUMELO

..... Kereke ka bophara ba lefatshe, ka kotloloho e bileditswe ho etsa besebeletsi ba lerato: “Ho tloha sethatong, matsatsing a ho qala Kereke e ile ya kenyeletsa tsebeletso ya lerato (Agape), Selallong sa Eukariste, mme ya bontsha hore e kopantswe ka botlalo ho Kriste ka setlamo sa lerato. Jwale he ka dinako tsohle, Kereke e tsejwa ka (ketso) ponahatso ena ya lerato, mme ha Kereke e ithabela ka mesebetsi ya ditho tsa yona e nka mesebetsi ya lerato e le boikarabello le tokelo ya yona. Ka baka lena, mohau ho bafumanehi le bakudi, mesebetsi ya lerato le thuso ho bebofatsa dithoko dife kapa dife, di nkuwa ka tlhompho e ikgethileng ke Kereke.” (CL 41)

**BOINAHANO:** Na ke thusa le ho tshehetsa ba hlokang?  
Na ke nkela mafutsana le bahloki hloohong moo ke phelang teng?  
(Pelesama 109: 4-5)

**THAPELO:** *Ba mpuseletsa lerato la ka, ba mpuseletsa lona ka ho nqosa, le ha ke ntse ke ba rapella. Ba mpusetse ka bobbe bakeng sa bottle, le lehloyo bakeng sa lerato.*

**Thapelo ya ho kopa hore Benedict Daswa a etswe ya  
LEHLOHONOLO.**

## LETSATSI LA 7 PAKI E SEBETE YA NNETE.

Ka la 25 Pherekong 1990 nakong ya sekgohola sa diaduma tse matla, mahadima (maru) a ile a tjhesa matlo a mang a dirontabole tse ruletsweng ka jwang. Ka tlwaelo ha ho etsahala sena ha se tadingwe e le ketso ya tlhaho, empa e le mosebetsi wa boloi. Letona la morena ke ha le bitsa lekgotla la hae le setjhaba ho tla buisana ka taba ena, ka morero wa ho fuputsa hore na ke mang a ikarabellang. Ba ile ba utlwana hore ba batle ngaka ya setso “ho fofonela” motho ya ikarabelang ho tjheseng ha matlo ao. Setho ka seng se ile sa tshwanela ho ntsha seabo sa R5,00 ho patala motho eo.

Benedict o ile a fihla hamorao qeto e se e nkuwe. Ha a hlalosa hore lehadima ke ntho ya tlhaho, tlhahiso ya hae e ile ya qhelelwa matjoing. O ile a lwana ka thata ha ho qoswa baloi hore ke bona ba etsang mahadima. Ha qeto e se e nkuwe, Benedict o ile a hana ho patala seabo, a hlalosa hore tumelo ya hae e Khatholike e mo hanela ho nka karolo nthong tsa boloi.

### LENTSWE LA MODIMO

*“Hape ke a le bolella hore mang le mang ya mpakang pela batho, le Mora Motho o tla mop aka pela mangeloi a Modimo empa ya ntatolang pela Batho o tla latolwa pela mangeloi a Modimo.”* (Luka 12:8-9)

### HO TEBISA TUMELO

*Boloi, bo itshetlehile tumelong tsa setso (tumela-kgwela) mme ha jwale bo a tsosoloswa. Dintho tseo batho ba neng ba di tshaba di hlhela botjha mme di hlhisa kgatello e robang ditho. Ka nako e nngwe ho se tsebe hore na ho tla etsahalang ka bophelo, ka bana, ka maemo a lehodimo, ka tshireletso meyeng e mebe ho etsa hore batho ho ba batle thuso ho di tumelo tsa setso (tumela-kgwela) tse sa tsamaelaneng le thuto ya Sekriste. Bothata ba ho ba setho sa Bokriste le tumelo tsa setso sa seAfrika ka nakoe le nngwe ke pheletso e kgolo. Kereke Afrika e hloka hore e thuse badumedi, ho fumana molaetsa wa Evangedi ka botlalo, ka dithupelo tsa katisikima le ka ho nyalanya meetlo ya Sekriste le meetlo ya setso. Ho hloka hore ho etswe dipatlisiso ho fumana moelelo o tebileng wa diketso tsa boloi mabapi le tsa thuto ya Modimo, tsa bosetjhaba le tsa bodisa.* (AM 93)

**BOINAHANO:** Na ke tshaba ho emela tumelo ya ka ya Sekriste ha e tlakwa le ho hlaselwa lebitsong la “meetlo ya setso?” Na ke dumela boloi? Na nkile ka bo etsa nako e nngwe?

**THAPELO:** *Pelo ya ka e se ke ya sekama, ya sekamela dinthong tse mpe. Ke se ke ka etsa mosebetsi ya bokgopo mokgatlong wa batho ba sa lokang; ke se ke ka latswa menate ya bona. Ho molemo ha ke otlwa ke ya lokileng, ke kgalemelwa ke yena, hoo ke oli eo hlooho ya ka e ke keng ya e hana, ke tla nne ke rapele le ha ba kgopo ba ntshwenya.* (Pesalema 141:4-56)

**Thapelo ya ho kopa hore Benedict Daswa a etswe ya  
LEHLOHONOLO.**

# LETSATSI LA 8 MOAPOSTOLA WA NNETE WA BOPHELO.

Kamorao ho ho ba kgahlanong e matla le boloi kopanong ya setjhaba ka Sontaha sa la 28 Pherekong 1990, batho ba qala ho korotla ba re: “O na le kgahlamelo e ngata bathong hobane ke moetapele. Keng ha a hana ha baloi ba tjheswa? Ha a dumellane le mekgwa le tsela tsa rona.” Ba bangata ba mo nka a nyenyefatsa mekgwa le meetlo le tumelo tsa bona tsa setso, mme e le tshitiso setjhabeng ka baka la hobane Benedict, jwaloka morutwana wa sebele wa Jesu Kriste, o ne a eme ka ho tiya tumelong ya hae e Khatholike, batho ba bang ba re: “Ho molemo hore re mmolaye!” Kahoo ba rera ho mmolaya.

## LENTSWE LA MODIMO

*Ha o fihla naheng eo Morena Modimo wa hao, a o nehang yona, o se ke wa ithuta ho etsa manyala a tswanang le a etswang ke ditjhaba tseo. Hara lona ho se fumanwe le ya mong ya fetisang mora wa hae kappa moradi wa hae hara mollo, ya sebedisang bonohe; eo e leng molepi wa dinako, kapa senohe, kapa moloi, kapa ya sebedisang dithatho, kapa ya buang le badimo, kapa moloi, kapa ya buang le badimo, kapa lethuela. Bohle ba etsang dintho tsena ke manyala ho Morena, mme ka baka la manyala ana Morena Modimo wa hao, o ba leleka kapele ho yena. Wena o tshepahale ka ho tlala ho Morena Modimo wa hao. Leha ditjhaba tsena tseo o tla di hapa di kgolwa balepi ba dinako, le dinohe, empa ha e le wena, Morena Modimo wa hao, ha a o dumelle ho etsa jwalo.”*

## HO TEBISA TUMELO

*Re kgothaletswa ho rata le ho hlompha bophelo ba monna e mong le e mong le mosadi e mong le e mong le ho sebetša ka phehello le ka sebetše hore, nako ena ya rona e tummeng ka mafu le dipolayano tse ngata, e ke e paki yah o thewa ha mokgwa e motjha wa bophelo, e leng ditholwana tsa nnete le lerato. (LEV 77).*

**BOINAHANO:** Na ke hlompha bophelo ba batho ba bang, esita le ba ba fokolang, haholo ba bana ba so hlahe?  
Na ke phela bophelo bo botle bo nang le boikarabelo?

**THAPELO:** *Morena ke lesedi la ka le pholoho ya ka, nka tshaba mang? Ha ba etsang bobē ba ntwantsha ho mpolaya, dira tseo tsa ka le bao ba nthoileng ba a kgothometseha ba we. Leha nka dikanelwa mona, nke ke ka tshoha letho; esita leha nka futuhelwa, le teng ketla nne ke be le tshēpo. (Pesalema 27:1-3)*

**Thapelo ya ho kopa hore Benedict Daswa a etswe ya LEHLOHONOLO.**

## LETSATSI LA 9 PAKI YA NNETE YA TUMELO

Ka la 2 Hlakola 1990, kamora hore a theole monna le mokotla wa phofo ya poone, Benedict o ile a fumana tsela ya hae e kwetswe ka dikutu tsa difate. Ha a tswa ka koloing ya hae ho di tlosa, sekgakgatha sa bashanyana sa ropoha ka hara moru mme ba qalella ho mo tlepetsa ka majwe. A rotha madi mme a ntshitswe kotsi, a baleha a tshepa ho fumana boitshireletso ntlong ya thekiso ya jwala. Ha a bona monyako a itshohlometsa monyakong o butsweng wa rontabole ho ipata le ho pholosa bophelo ba hae. Sekgakgatha se neng se mo lelekisa, sa botsa mosadi ya neng a le moo hore na Benedict o ipatile kae, sa mo tshosa hore se tla mmolaya ha a sa bolele. Mosadi eo a ba bontsha moo Benedict a neng a ipatile teng, a ba kopa, “se mpolayeng, o ka mono.” Ba babedi ba kena, mme ba hulela Benedict kantie. Benedict a kopa e mong ka diatla a mo kopa a re: “ke a o kopa, pholosa bophelo baka!” Motjha eo a mo araba a re, “ho lokile. E re ke tsamaye, ha re na o bolaya.” A mo kgolwa, yaba Benedict o a tswa. Ka ha sekgakgatha se ne se se potapotile rontabole, ho ne ho se na kamoo Benedict a ne a ka baleha, yare ha a bona e mong wa bona a nkileng molamu a tla ho yena, a kgumama mme a rapela. Yaba jwale ho a senyeha. Monna enwa a otlala Benedict hlohong ka molamu, a ptjhatla lehata la hae. Benedict a wela fatshe. Ba mo tshela ka metsi a belang hloohong, ditsebeng, dinkong, mme a tswa maqeba hohle.

Mmisa wa lepato o bile o kopanetsweng ka la 10 Hlakola 1990. Ho wona baprista bohle ba ne ba apere diaparo tse kgubedu hobane ba ne ba dumela hore Benedict o shwetse tumelo ya hae. E ne e le kemo ya hae kgahlanong le boloi e tlisitseng lefu la hae.

### LENTSWE LA MODIMO

*Ho lehlohonolo ba hlorisetswang ho loka, hobane Mmuso wa mahodimo ke wa bona. Le lehlohonolo ha le hlapaolwa, le hloriswa, le etseletswa ka mekgwa yohle ka baka la ka. Thabang, le nyakalle, hobane moputso wa lona o moholo mahodimong; etswe baprofeta ba bileng teng pele ho lona ba hlorisitswe jwalo. (Matheu 5:10-12)*

### HO TEBISA TUMELO

*Hobane ke mosebetsi wa kereke, e tataiswa ke Moya O Halalelang ya ntjhafatsang le ho hlwekisa ntle le kgaotso, ho etsa hore Modimo Ntate le Modimo Mora wa hae ya ikentseng motho hore ba teng, hantle-ntle hore ba bonahale. Hona ho fihlelwa haholo-holo ka bopaki bo phelang le tumelo e tiileng. Bashwela-tumelo ba bangata ba fane ka bopaki bo kganyang tumelong ena mme ba ntse ba tswelapele ho etsa jwalo. Ka mehlala ya bona ba re bontshitse, le ho re lokisetsa tsela ya ka moso. Hoo salaneng le rona, ka mohau wa Modimo, ke ho hata mehlaleng ya bona. (GS 21. See also NN1 41).*

**BOINAHANISO:** Sebete sa bashwela-tumelo ba kang Benedict ba nthusa ho phela tumelo ya ka jwang?  
Nka emela tumelo ya ka jwang sephiring le pontsheng

**THAPELO:**

*Pelo ya ka e tlotlisa Morena, moya waka o nyakalletsa Modimo, mopholosi wa ka; hobane o ile a tadima ho eiseha ha lekgabunyane la hae. Bonang ho tloha jwale meloko yohle e tla re nna ke lehlohonolo, hobane Ya Matla o nketseditse tse kgolo, lebitso la hae le a halalela; ka mengwaha le mengwaha o mohau ho ba mo tshabang. O entse tse matla ka tsoho la hae, a qhalanya baikgohomosi le mehopolo ya bona; a theola babusi diteroneng, a phahamisa ba eisehang, a kgorisa ba lapileng ka tse molemo, a kgutlisa ba lapileng ka tse molemo, a kgutlisa ba ruileng ba se na letho, a thusa Israele mohlanka wa hae, a mo lopolla ka mohau, a hauhela Abrahama le ditloholo tsa hae kamehla yohle, jwalokaha a buile ho bo-ntata rona.*

(Luka 1:46-55 Thoko ya Maria)

**Thapelo ya ho kopa hore Benedict Daswa e etswe ya  
LEHLOHONOLO.**

**“KE BEA MOYA WA KA MATSOHONG A HAO”**

(Pesalema 31:6)







**“Kereke, lefatshe, le hloka dipaki tse tshepahalang  
tse buang ka mantswe a madi a phallang ho tswa  
Sedibeng sa lerato la pele”**

**(Bernard Oliviera, Abbot of the Trappist Monks, 1997)**